

Վիճակի երգ

Անձրև էկավ շաղալեն,
Ջա՛ն, ծաղիկ, ջա՛ն,
Ուռու տերև դողալեն,
Ջա՛ն, վիճակ, ջա՛ն, ջա՛ն:

Ուռու տերև դողալեն,
Ջա՛ն, ծաղիկ, ջա՛ն,
Դարդիս դարման անելեն,
Ջա՛ն, վիճակ, ջա՛ն, ջա՛ն:

Սարերի հովին մեռնեմ,
Ջա՛ն, ծաղիկ, ջա՛ն,
Իմ յարի բոյին մեռնեմ,
Ջա՛ն, վիճակ, ջա՛ն, ջա՛ն:

Իմ յարի բոյին մեռնեմ,
Ջա՛ն, ծաղիկ, ջա՛ն,
Տեսնողի աչքին մեռնեմ,
Ջա՛ն, վիճակ, ջա՛ն, ջա՛ն:

Հարավի ծերին կանչի,
Ջա՛ն, ծաղիկ, ջա՛ն,
Թող թշնամին ամաչի,
Ջա՛ն, վիճակ, ջա՛ն, ջա՛ն:

Թող թշնամին ամաչի,
Ջա՛ն, ծաղիկ, ջա՛ն,
Չինարի պես կանաչի,
Ջա՛ն, վիճակ, ջա՛ն, ջա՛ն:

Վարդ եմ քաղե մաղերով,
Ջա՛ն, ծաղիկ, ջա՛ն,

Վեր եմ դրե շաղերով,
Ջա՛ն, վիճակ, ջա՛ն, ջա՛ն:

Արևիդ մեռնեմ, յար ջան,
Ջա՛ն, ծաղիկ, ջա՛ն,
Առաջ գամ քեզ տաղերով,
Ջա՛ն, վիճակ, ջա՛ն, ջա՛ն: